

增訂

時

病

論

三衢
古越

雷少逸原著
何廉臣增訂

第二冊

上海大東書局印行

時病論卷三

安州劉賓臣先生鑒定

三衢雷 豐少逸手著

越醫何廉臣印巖刪定

受業

新安程曦錦雲
盈川江誠抱一 參訂

男

幼筱

廉

新

增

春傷於風夏生飧泄大意

經謂春傷於風者。乃卽病之新感也。春傷於風。夏生飧泄者。此不卽病之伏氣也。蓋風木之氣。內通乎肝。肝木乘脾。脾氣下陷。日久而成泄瀉。飧泄則完穀不化。洞泄則直傾於下。寒瀉則脈遲溺白。腹中綿痛。火瀉則脈數溺赤。痛一陣瀉一陣。若煩渴面垢爲暑瀉。胸痞不渴爲溼瀉。或時瀉。或時不瀉爲痰瀉。噯氣作酸。瀉下腐臭爲食瀉。靈樞又云。春傷於風。夏生後泄。腸澼。腸澼者痢也。痢有風寒熱溼噤口水穀休息五色之分。均宜辨治。風痢似腸風下血而有痛墜。寒痢

下稀水而清腥。腹中痛甚。熱痢如魚腦而稠黏。窘迫而痛。溼痢色如豆汁。胸悶腹疼。如下痢不食。或嘔不能食。名噤口痢。糟粕膿血雜下。名水穀痢。時發時止。名休息痢。五色膿血相溷而下。名五色痢。

殄泄

內經云。春傷於風。夏生殄泄。又云。久風爲殄泄。良由春傷於風。風氣通於肝。肝木之邪。不能條達。鬱伏於脾土之中。中土虛寒。則風木更勝。而脾土更不主升。反下陷而爲泄。殄泄之脈。兩關不調。或弦而緩。腸鳴腹痛。完穀不消。宜治以培中瀉木法。尺脈沉遲。按之無力。乃屬下焦虛寒。寒則不能消穀。宜治以補火生土法。如脈細小而遲。手足寒者。難治。勉治以煖培卑監法。如日久穀道不合。或肛門下脫。乃元氣下陷也。急治以補中收脫法。總之殄泄之病。屬虛者多。屬實者少。如執治瀉。不利。小便。非其治之。偏必致不起。悲夫。如有溼邪相溷。卽有溼之見證。辨之明確。始可佐之通利。如脈數。苔黃。小溲熱。

赤。卽是屬火之瀉。

洞泄

經云。春傷於風。夏生飧泄。邪氣留連。乃爲洞泄。蓋因風木之邪。留連既久。木氣尅土。倉廩不藏。而爲洞泄。病雖由伏氣所致。亦有溼氣相兼。脈多軟緩乏力。或關脈兼弦。身重神疲。肢體懈怠。下利清穀。小便短赤。宜培中瀉木法。加蒼朮澤瀉治之。經曰。腎脈小甚爲洞泄者。因腎爲胃關。腎虛失閉藏之職。伏邪乘虛深陷。宜補火生土法。加煨葛荷葉治之。總之脾虛以補中爲先。腎虛以固下爲亟。風勝佐以疎透。溼勝佐以滲利。

程曦曰。飧泄因脾虛爲多。所以完穀不化。洞泄因溼勝爲多。所以體重溺紅。屬脾虛者。不宜偏利。屬溼勝者。不宜偏補。當審其虛實而分治之。

寒瀉

寒瀉者。因寒致瀉也。致病之原。由寒氣內襲於脾。脾胃受寒。則陽虛。虛則不司

運用清陽之氣。不主上升。反下陷而爲便瀉。故所下澄澈清冷。儼如鴨糞。腹中
縣痛。小便清白。脈來緩怠近遲。治宜煖培卑監法。去西潞益智。加木香查炭。若
兼溼證。宜佐化溼之藥。而加減可也。

火瀉

火瀉。卽熱瀉也。瀉出如射。糞出穀道。猶如湯熱。肛門焦痛難禁。腹內鳴響而痛。
痛一陣。瀉一陣。瀉復澀滯。非食瀉瀉後覺寬之可比。脈數苔黃。溺赤澇。口作渴。
小水不利。治宜通利州都法。去蒼朮。加芩連。暴注新病。可利實熱。閉澀。可利形。
氣強壯。可利小腹脹滿。可利久病陰虧。氣虛屬寒者。皆不可利。

暑瀉

長夏泄瀉。多暑瀉者。因天之暑熱下逼。地之溼熱上騰。人在氣交之中。其氣卽
從口鼻而入。直擾中州。脾胃失消運之權。清濁不分。上升精華之氣。反下降而
爲便瀉。瀉出稠黏。小便熱赤。脈來濡數。或沉滑。面垢有汗。口渴喜涼。治宜清涼

滌暑法。夾溼者。口不甚渴。當左木通澤瀉。溼盛於暑。宜仿溼瀉之法。

溼瀉

泄瀉之病。屬溼爲多。脈來緩濇。瀉水而不腹痛。胸前痞滿。口不作渴。小便黃赤。或腹微痛。大便稀漈。治當滲利膀胱。用通利州都法。

痰瀉

痰瀉者。因痰致瀉也。脈多弦滑。其證胸腹迷悶。頭暈惡心。神色不瘁。時瀉時不瀉。治宜化痰順氣法。

食瀉

附飲瀉

食瀉者。卽胃瀉也。其脈氣口緊盛。或右關沉滑。其證嘔酸噯臭。胸脘痞悶。惡聞食氣。腹痛甚而不瀉。得瀉則腹痛遂鬆。治當查麴平胃法。若渴能飲水。水下腹瀉。瀉而大渴。名爲飲瀉。治宜增損胃苓法。去厚朴蒼朮。加白朮甘草。

風痢

風痢之證。先泄後痢。脈多沉小而弦。腹微痛而後重。似腸風而下清血。由春令之伏氣。至夏而發。體素寒者。治宜培中瀉木法。加木香蒼朮。體素熱者。治宜本法。去吳萸炮姜。加芩連煨葛。胸悶溺赤者。夾溼也。宜佐赤苓澤瀉。吞酸噉腐者。夾食也。宜佐山楂厚朴。

寒痢

寒痢發於夏秋之交。受寒較受暑爲多。因炎熱貪涼。過食生冷。冷則凝滯。脾陽不能運化。清氣不升。脾氣下陷。腹痛後重。痢下白色。稀而清腥。脈遲苔白。當去寒兼扶脾。則痢自止。治宜煖培卑監法。佐以查炭木香。如寒痢亦有赤色。宜以脈遲苔白爲據。倘脈數苔黃。便爲熱痢。溫熱之品。又不可施。

熱痢

附暑痢

熱痢多起於夏秋之交。熱鬱溼蒸。人感其氣。內干脾胃。脾不健運。胃不消導。熱挾溼食。醞釀中州。而成滯下。脈滑數而有力。其證裏急後重。煩渴引飲。喜冷畏

熱。小便熱。赤痢下赤色。或如魚腦。稠黏而穢。治宜清痢蕩積法。益以查肉。檳榔。體弱者。生軍宜刪。暑痢。其證自汗發熱。面垢嘔逆。渴欲引飲。腹內攻痛。小便不通。痢血頻進。治以清涼滌暑法。去青蒿。瓜翠。加黃連。荷葉。

溼痢

溼痢有寒熱之分。寒溼痢。腹綿痛而後墜。胸痞悶而不渴。不思穀食。小便清白。或微黃。痢下色白。或如豆汁。脈緩近遲。治宜溫化溼邪法。加木香。熱溼痢。裏急後重。思飲不多。思食乏味。小便熱澁。痢下赤色。或淡紅焦黃。脈來濡數。治宜通利。州都法。去蒼朮。加木香。黃連。如陰虛患痢。裏急欲便。虛坐努責。不可滲利。益傷其陰。以當歸。白芍。生地。丹皮。阿膠。澤瀉。石蓮等品。隨證加減。

噤口痢

噤口者。下痢不食。或嘔不能食也。緣由脾家溼熱。壅塞胃口。或誤服利藥。犯其胃氣。或止瀉太早。留邪於中。或脾胃虛寒。溼邪干犯。或氣機閉塞。熱邪阻隔。或

穢積在下。惡氣薰蒸。或肝木所勝。乘其脾胃。或宿食不消。水飲停蓄。皆能使人噤口也。治用調中開噤法。隨證加減。緩緩服之。當審其脈而明辨之。右部浮濡沉細。緩怠無力。胃虛也。洪大急滑。火熱也。渾渾浮大。或浮弦。濁氣上壅也。沉而滑。或右濇滯。宿食停積也。遲細者。胃寒也。弦急者。木勝也。倘或絕不思食。下痢無度。不可治也。惟獨參湯合陳廩米。濃煎頻服。幸冀萬一耳。

孔以立曰。予嘗治噤口痢。以藕汁煮熟。稍和砂糖頻服。兼進多年陳米稀糜。調其胃氣。多效。卽石蓮子之意也。古治噤口痢。多有用黃連者。苦而且降。非胃虛所宜。初痢噤口。爲熱瘀在胃口。宜苦燥。久痢口噤不食。胃氣告匱。惟大劑參朮。佐以茯苓、甘草、藿香、木香、煨葛、鮮石菖蒲之屬。大補胃氣。兼行津液。胃氣一復。飲食稍進。便宜獨參湯。略加陳皮。或製香附。緩緩調補。兼行氣滯。方中茯苓之淡滲。木香之耗氣。乾葛之行津。皆當屏除。

水穀痢

水穀痢。糟粕膿血雜下。腹中微痛。登圜頻頻。飲食少餐。四肢困倦。脈細緩無力。或關部兼弦。因脾胃虛寒。虛則不能健運。寒則不能消化。當用煖培卑監法。亦有風木尅土。土虛不運者。宜本法加白芍防風。有因勞役過度。脾陽困頓者。加黃耆荷葉。有因下焦無火。不能熟腐者。加故紙吳萸。有痢後中虛。飲食停積者。加陳皮查肉。

休息痢

下痢屢發屢止。久而不愈。面色痿黃。脈形濡滑者。休息痢也。多因止澁太早。積熱未盡。或不能節飲食。戒嗜好。亦有過服寒涼。肝脾內傷。元氣下陷。及腎虛不固。皆當審其因而分治之。治用調中暢氣法。氣機得暢。積熱自清。中州得調。脾胃自復。倘或腹中隱痛。加吳萸姜炭。化中焦之寒。赤痢纏綿。佐秦皮白芍。清肝脾之血。肛門重墜。加升麻桔梗。升下陷之元。虛滑不禁。入石脂龍骨。固下焦之脫。若脈沉實。雖日遠。仍當攻下。切宜辨確。勿可誤也。

五色痢

五色痢。五色膿血相雜而下也。若有臟腑屍臭之氣。則凶。因止瀉太早。或滯熱下之未盡。蘊於腸胃。傷臟氣也。脈若有力。雖日久。仍當攻也。惟醫通謂五色痢。由腎藏之精室受傷。五液不守。須知益火消陰。實脾隄水。兼分理其氣。使失於氣化之積。隨之而下。未失氣化之精。統之而安。

廉按二論。虛實分別。初起者實。日久者虛。裏急後重者實。頻頻虛坐者虛。脈實有力者實。脈虛無力者虛。虛則宜補。或補陽。或滋陰。隨證治之。實則宜瀉。清痢蕩積法。加減。然不可不防腸中腐爛內潰也。臨病時尤須細辨。

擬用諸法

培中瀉木法

治伏氣殞泄洞泄及風痢。

白朮二錢
土炒

白芍一錢
土炒

陳廣皮一錢

軟防風一錢

白茯苓三錢

粉甘草五分

炮薑炭八分

吳萸八分

加新荷葉一錢煎服。

〔歌曰〕培中瀉木治飧泄。朮芍土炒橘防噉。升清加以新荷葉。苓草培中薑菜熱。

朮芍陳防四味。卽劉草牕先生治痛瀉之要方。用之爲君。以其瀉木而益土也。佐苓甘培中有力。薑炭煖土多功。更佐吳萸疏其木而止其痛。荷葉升其清而助其脾。

補火生土法

治飧泄洞泄。命門無火。久瀉虛痢。

淡附片八分

肉桂六分細剉分冲

菟絲子一錢

破故紙一錢

吳茱萸八分

益智仁一錢

蘇芡實二錢

加蓮子肉十粒入煎

〔歌曰〕補火生土辛甘熱。桂附茱萸故紙噉。智仁芡蓮治寒泄。

下焦無火。不能薰蒸腐化。致瀉完穀。故以桂附辛甘大熱。補命門之火。以生脾土。菟絲故紙。溫補其下。吳萸益智。煖其下。復煖其中。中下得其溫煖。則火土自得相生。而完穀自能消化。更佐芡實蓮子。補其脾且固其腎。蓋火土生脾腎固。而殄泄洞泄無不向愈矣。

煖培卑監法

治脾土虛寒泄瀉。及冷痢水穀痢。

西潞黨

三錢米炒

白茯苓

三錢

於潛朮

二錢土炒

粉甘草

五分水炙

炮薑炭

八分

茅蒼朮

六分土炒

益智仁

一錢

葛根

五分煨

加粳米一撮煎服

〔歌曰〕煖培脾土虛寒身。參苓朮草益智仁。薑炭蒼朮煨葛根。佐以粳米效如神。

經云。土不及曰卑監。法中以四君合理中。煖培其脾。脾喜燥。故佐以蒼朮。喜溫佐以益智。喜升佐以葛根。喜甘佐以粳米。

補中收脫法

治泄痢不已。氣虛下陷。穀道不合。肛門下脫。

東洋參

錢三

黃耆

錢二

於潛朮

錢一

粉甘草

錢五

罌粟殼

錢一

白芍藥

錢一

訶黎勒

錢一

加石榴皮一錢略炒同煎

〔歌曰〕參耆朮草補中州。粟殼訶黎脫可收。土炒白芍石榴皮。氣虛下陷瀉能瘳。

此治瀉痢日久。氣虛脫肛之法也。以參耆朮草之甘溫。補中州以提其陷。罌粟訶黎之酸澇。止瀉利且斂其肛。用榴皮爲引者。亦取其酸以收脫。瀉以住利也。

通利州都法

治火瀉溼瀉。溼熱痢疾。

白茯苓

三錢

澤瀉

一錢五分

蒼朮

八分
土炒

車前子

二錢

通草

一錢

滑石

三錢
飛

苦桔梗

一錢

河水煎服

〔歌曰〕通利州都治濕瀉。通草滑石淡滲下。茯苓澤瀉土蒼朮。車前桔梗方中寫。

斯仿舒馳遠先生加減五苓之意。州都者。膀胱之官名也。首用茯苓甘淡平和。而通州都爲君。澤瀉鹹寒下達。而走膀胱爲臣。佐蒼朮之苦溫。以化其溼。車前通滑之甘淡。以滲其溼。使桔梗之開提。能通天氣於地道也。

清涼滌暑法

治暑溫暑熱。暑瀉秋暑。

滑石三錢飛

生甘草八分

青蒿五錢

白扁豆一錢

連翹三錢去心

白茯苓三錢

通草一錢

加西瓜翠衣一片入煎

〔歌曰〕請涼滌暑用青蒿。連翹扁豆茯苓高。通草生甘並滑石。西瓜翠皮一齊熬。

滑石甘草。卽河間之天水散。以滌其暑熱也。恐其力之不及。故加蒿扁瓜衣以清暑。又恐其干犯乎心。更佐連翹以清心。夫小暑之節。在乎相火之後。大暑之令。在乎溼土之先。故先賢所謂暑不離溼也。兼用通苓。意在滲溼耳。

化痰順氣法

治痰氣閉塞。痰癰痰瀉。

白茯苓四錢

製半夏二錢

陳皮五錢

粉甘草八分

廣木香五錢煨

厚朴一錢姜製

加生薑三片水煎服

〔歌曰〕痰證化痰須順氣。二陳苓草古方貴。木香厚樸加二味。

法中苓夏陳甘。卽局方二陳湯化痰之安方也。加木香厚朴。以行其氣。氣得流行。則順而不滯。故古人謂化痰須順氣。氣行痰自消。且木香厚朴。均能治瀉。以此法治其痰瀉。不亦宜乎。

查麴平胃法

治因食作瀉。兼治食癰。

查肉

炒三錢

神麴

炒三錢

蒼朮

土一錢炒

厚朴

姜製一錢

陳廣皮

一錢

甘草

八分

加胘脰二枚爲引

〔歌曰〕食積古方用平胃。蒼朮厚樸橘草彙。查麴內金加三味。

法用蒼陳朴草。係局方之平胃散。爲消導之要劑。佐山查健脾磨積。神曲消